

ABYSSINOR VM IMPER. 3



TERRA hæc amplissima, quam nostri vulgò Presbyteri Ioannis vocant, sub Aequinoctiali vt plurimum sita est, atque vt ex ijs qui nostro æuo ipsam perlustrarunt, intelligimus, in vniuersum fertilissima est. Nam etsi frumentum parçè mittat, nihilominus hordeum, milium, zaburum, ciceres, fabam, aliaque legumina abundantissimè profert, quorum nonnulla nobis ignota sunt. Saccharum etiam in arundinibus magnam copiam producit, sed coquere illud ac deputare nesciunt. Vites isthic multæ sunt, ac vinum conficere non licet, nisi in Regis aula, atque etiam in domo totius regionis Patriarchæ, quem Abunam appellare solent. Mala medica, citria, & limones ad abundantiam hic sponte proueniunt. melones autem, rapas, & oleas non fert regio: oleum tamen conficitur hic ex fructu quodam Geua incolis vocato. Mellis porro immensa est copia: nam apes in ipsis etiam hominum habitationibus nutriuntur, vnde ceræ tantam conficiunt copiam, quæ toti regioni ad candelas conficiendas sufficit at absque seui vsu. linum habet etiam hæc regio, sed incolæ artem ex ipso telas conficiendi ignorant, atque vt plurimum pannos suos ex gossipio sibi parant, cuius hic magnus est proventus. Habet præterea regio hæc omnis ferè generis animalia & aues, vt sunt boues, pecora, capræ, asini, cameli, equi, deinde elephantes, leones, tygrides, lynces, taxi, & cerui, vrsi tamen, cuniculi, & cardueles isthic non videntur. Hoc autem insigni incommodo regio hæc laborat, quod locustarum innumerabilem incredibilem producat copiam, quæ sua multitudine aërem ipsum obfuscantes, nunc hanc nunc aliam prouinciã vastant: omnem etenim segetem, messem, & arborum folia ac cortices deuorant ac depascuntur. Metalla etiam omnia ac mineralia abundè producit, sed gentes hæc artificia omnia quæ ad mineras expurgandas requiruntur, profus ignorant. Fiunt isthic duæ æstates & duo hyemes, quæ non à frigore, aut caliditate percipiuntur, sed à pluuiarum copia & à serenitate. Duo autem memorabiles amnes per Aethiopiã discurrunt, nempe Abanhi, qui est Astapus Ptol. & Taccasis qui Ptol. est Astaboras, in quem complures alij amnes confluunt. Fons Abanhi est Barcenæ lacus amplissimus sub Aequinoctiali iacens, in quo plures sunt insulæ monachorum monasteria continentes. Hic lacus est Celoe palus Ptolemæi.

Incolæ nigri sunt, viles, ac omnis doctrinarum generis ferè ignari, medicinæ nullum habentes vsum. horum vestitus ex animalium pellibus, & ex pannis præsertim gossipinis constat. domus habent humiles ac viles sub rotunda forma, ex creta & stramine confectas, in quarum inferiore parte tantum habitât, apertis tamen semper ianuis, sed nemo alterius domum ingredi valet. nullis nec mappis nec mensis vtuntur: comedentes autem, sedent humi, vel super tapetis vel super alijs pannis. Sunt inter eos qui vacinas carnes crudas ac recentes comedât. Nullus apud eos est monetæ vsus, sed eius loco aurû purû infectumq; penditur. rerum commutationibus vtuntur, in quibus sal & piper maximo sunt vsui. Venatio & piscatio hic languent, pauci que inter eos sunt artifices. Christi cultum obseruant, sed diuersum à nobis: nam circumciduntur omnes etiam fœminæ, atque etiam in nomine Patris, & Filij, & Spiritus Sancti post 40. dies ab eorum Natali baptizantur. Iterant Baptisum quotannis, in die Epiphaniæ Domini, omnibus baptizatis eodem momento Sacra Eucharistia ministratur. In templis suis more nostro campanas quidem habent, sed plerumque saxeas. Missam celebrant, sed sacerdotes omnes ac presbyteri matrimonium contrahunt: Monachi verò non, quorum hic ingens est numerus, & infinita monasteria vtriusque sexus. Sed in virorum monasteria, neque mulier neq; animal vllum fœminei sexus intrat. Monachi ieiunium strictissimè obseruant ad 50 dies: alij aqua & pane tantum, alij herbis tantummodo sustentantur: alij verò toto hoc tempore sub aqua manent vsque ad mentum. Hi monachi comam nutriunt sunt etiam Laici, qui barbam abradunt, ac crucem collo suspensam gestant. Presbyteri verò abradunt caput, & barbam nutriunt, crucemque in manibus ad laicorum differentiam ferût Plebei duas, interdum etiam plures absque periculo vxores ducunt: diuortia tamen facere possunt. In summa apud Abyssinos est veneratio D. Thomas cognom. Didymus.

Cæterum hunc Abyssinorum Imperatorum ex antiquissimo stemmate ortum ducere

tradunt,



ABYSSINORVM
 SIVE
MAGNI REGIS
DAVIDIS, QVEM
vulgò Presbyterum Joannem
vocant,
IMPERIVM

Coloniz., formulis Joannis
Bussmachersi. Anno 1600.

PRIESTER IOANS
TITEL

David der große König, den
Got lieb hat, ein seul des Glaubts,
geboren aus dem stammen Juda,
ein son David, ein son Saichoms, et
ein der seulen zu Zion, ein son
des stamens Jacob, ein son der
hant Maria, und ein loblicher B-
N. Körper der weiten und hohen
lande in Ethiopia, dem viel kö-
nigreich, Lande, und Gebiete in
der wuesten: der König zu Na,
zu Ceffaca, zu Fatyar, zu Ang-
te, zu Bara, zu Dauleganza, zu
Adea, zu Vangne, zu Geyane, zu
Amara, zu Bagamodri, zu An-
tea, zu Vagne, zu Tigromaben,
zu Sabaim, zu Barnagasso, und
her bis gen Nubia, sampt viel
deru grassen und kleinen Herrschafft

tradunt, hoc est, à Dauide Rege & Propheta, stirpe vnus gentis in tot. ætates propagata. Hic
verò Princeps veteri instituto nullam habet determinatam stationem, vbi continuò reside-
at, sed modò ad hanc modò ad illam & aliam partem proficiscitur, sub tentorijs degendo,
quorum circiter sex millia secum defert: vnde tota eius aula circiter 10. aut 12. miliaria mi-
nora complectitur. Immensam habet auri & argenti copiam: supellectilia innumera, atque
alias diuitias incomparabiles, quas vt plurimum in montium cauernis conseruat. Aiunt ip-
sum non atro colore esse, vt reliqui ferè Aethiopes, sed candido: atque 1000000. hominum
ad bellum instruere, ac insuper quingentos elephantos, & equorum camelorumque ingen-
tem numerum. Non sunt in hoc toto Imperio vrbes aut oppida celebra: maximæ enim ha-
bitationes vltra duo familiarum millia non habent. Sola templa & Regis domus ex lapidi-
bus & calce constant, reliquis creta & stramine ædificijs constructis. In titulo suo Regem se
vocat superioris ac minoris Aethiopiæ, Goæ, Caffares, Fatigar, Angolæ, Barn, Baligua-
zæ, Adeæ, Vanguæ, Goyamæ, vbi Nili fontes, Amara, Barnagalli, &c. &
Dominus vsque in Nubiam, quæ in Aegyptum
extenditur.

